



10. marts 2020

UKA 2021/86

Inatsisartut Suleriaasianni § 33 naapertorlugu aalajangiiffisassatut siunnersuut imaattoq matumuuna saqqummiuppara:

Timersorneq pillugu inatsimmi¹ e-sport timi atorlugu timersuutitut allatuulli akuerisaanissaa pillugu Naalackersuisut inatsimmut allannguutissatut siunnersuuteqaqqullugit peqquneqarnissaannik Inatsisartut aalajangiiffissaattut siunnersuut.

(Atassutip Inatsisartuni ilaasortaaitai / Atassuts Inatsisartut medlemmer)

Tunngavilersuut

Fortnite, Fifa, Call of Duty, Tekken il.il. tassaapput spillit nunarsuarmi unammissutaasartut pimoorunneqarlutillu aallunneqartut. Taakkulu e-sportinik taaneqartarput, pisortatigoortumillu timersuutitut allatulli unammissutigineqartarlutik.

Nunatsinni timersornikkut peqatigiiffiit kattuffiillu tapersorsorneqartarput, unammiarnissaminnullu taperneqarsinnaasarlutik. Taamatullu e-sport-i pisortatigoortumik timersoriaatsit akuerineqarnissaa ammaffigisariaqarparput, erfalaspullu atorlugu pikkorissortagut unammiartissinnaanngortittariaqarlugit. Massakkulli inatsit malillugu taamaallaat unammiaarutit timikkut aalluttakkat akuerisaasutut inissisimapput².

Spillertarneq nalinginnaasumik sunngiffimmi nuannisaarutaannaasaraluortoq meeqqat inuusuttullu akornanni, massakkut pimoorunneqarnerullunilu aningaasarpasuarunik naleqalernikuuvoq, pikkorinnerpaanullu inuusutissarsiutaasalersimalluni. Taakkunanilu pikkorinnerpaat inuusutissarsiutigisinnaalluarpaat nunanut allanut unammiasinnaallutik erfalorpuput atorlugu. Isumaqarpugullu taakku tapersorsornerusinnaagigut, soorlu peqatigiiffeqarnikkut, nunanullu allanut unammiartornikkut, aatsaallu pisortatigoortumik akuerineqareeripata.

Timersuutitut akuerineqalenera imminik e-sport nunatsinni siammarnulertinnaviangilaa, aamma toqqaannartumik nunatta unammisartussaannik pilersitsissutiginnaviangilaa. Akuerineqarnerali alloriarnerussaaq silleq, gamer-it hold-tut peqatigiiffinnilu kattussuutilernissaannut.

Nunatsinni siammasissumik piginnaasagut pikkoriffigullu atorsinnaasariaqaratsigit Inatsisartuni esport qaqqipparput.

Aningaasatigut ingerlatsinikkullu pisortanut kingunerisassai:

¹ Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq

² Timersorneq pillugu inatsisip § 2: "Inatsimmi matumani timersorneq tassaavoq timigissarniarluni aamma peqqissarniarluni timi atorlugu sammisaqarneq."



Inatsimmut annikitsumik allangortitsinissaq uani pineqarpoq. Naatsorsuutigineqassaarlu annerpaamik AC-fuldmægtigep ukiup affaanik sulineranik naleqassasoq.

E-sport politikikkut pisortatigoortumik inatsisit malillugit timersuutitut akuerineqarneratigut aningaasatigut taperneqarsinnaangornissamut periarfissat ammanerulissapput. Aningaasat timersornermut immikkoortinneqarsimasut amerleriartinneqanngippata kingunerisinnaavaa massakut taakku aningaasat amerlanerusuniit agguataarneqartalissasut. Tamannalu ersarinnerusumik naatsorsorneqarsinnaangikkallarpoq apeqqutaassammat qanoq qinnuteqartoqartassanersoq.

Namminersortunut aningaasarsiornikkut allaffissornikkullu kingunerisassai:

Soqanngilaq.

Innuttaasunut aningaasarsiornikkut allaffissornikkullu kingunerisassai:

Soqanngilaq.